



K-XI-11



15.

Bilany

FELIX PAULUS TURSKI

DEI & APOSTOLICÆ SEDIS GRATIA EPISCOPUS
CRACOVIENSIS, DUX SEVERIÆ, ORDINUM
AQUILÆ ALBÆ & S. STANISLAI EQVES.

*Universo Clero, tam Sæculari, quàm Regulari Diæcesis Nostræ
Nobis in Christo Dilectis salutem in Domino.*

Etsi spectata temporum calamitate toti in eo esse cuperemus, ut omnes occasiones aucupari liceat, quibus potius minui, non autem addi super onera Dilectionum Vestrarum esset possibile: quia tamen adeo illustris, & honorifica, ut nulla alia, toti Statui Ecclesiastico Diæcesis Nostræ offert se ratio, testificandi animum erga Augustissimam Sacramque C^o Regiam Apostolicam Majestatem, propense fidelissimum, & ab ipso statim limine de ejusdem Majestatis Clementia benè merendi per quam splendidum, & opportunum esse judicavimus, Omnium Vestrum animos fieri unum, innumquemque sentire, ut communi desiderio hilarique vultu, & ad exemplum omnium Provinciarum sub ditione Augustissimæ Austriacæ Domus existentium conferant donum gratuitum, quodai pro sua mediocritate tantæ Majestati non consentaneum: Vestra tamen fidelitate non indignum. Quod ut promptius faciliusque Dilectionibus Vestris factu eveniat: constituimus, quatenus residuum Subsidiî Charitativi, quod ex his duobus annis resultaverat (nam superiorum meo sub regimine annorum residuum per insurrectionem exactum, eique redditum esse, notum est Dilectionibus Vestris) in præsentem usum convertatur; uti quidem protinus extrahi, & ad Thesaurum S^ce C^o R^o Majestatis importari mandavimus. Verùm quia ad complementum præfiniti Centum millium florenorum Doni, magna ex parte deficere liquido compertum est, illudque sarciri nulla parte ex alia possit, præterquam suppetiis Dilectionum Vestrarum de novo conferendis: idcirco consilio cum Venerabili Capitulo inito, justum omnino adinvenimus, procedere in eum modum, ut omnes Beneficiati, & quovis titulo Bonorum Ecclesiasticorum Possessores tam videlicet ex Clero Sæculari, quàm Regulari, ac etiam Monasteria Monialium, & Advocatiæ tertiam partem Subsidiî Charitativi, quæ juxta antea tam, & consuetam taxam de ejusmodi Bonis annuatim pendebatur, moneta currenti, vel ad novum cursum reductaolvere teneantur.

Manda

46.
Mandamus igitur Omnibus, & Singulis Ecclesiasticis, tam Sæcula-
ribus, quàm Regularibus ac etiam Monasteriis Monialium Diœcesis
Nostræ Cracoviensis, & quovis Nomine nuncupatis Bonorum &
Fundorum Ecclesiasticorum sub Ditione Augustissimæ Sæ Cæ Ræ
Majestatis existentium in hac Diœcesi Possessoribus, quatenus
tertiam hujusmodi Subsidiî Charitativi partem intra duos Menses
à data præsentis computandos, ad Illustres Decanos Foraneos, Illu-
stres autem Decani ad Cancellariam Nostram Post-Curiam com-
portare satagant. In casu vero non solutionis ad supra præfixum
terminum, Detentores ejusmodi sciant, rigida adversum se media
adhibenda fore. De reliquo hoc vel maximè præcustodimus, ne ad
contribuendum in hanc tertiam partem, Communitates Villarum seu
Subditi Bonorum Ecclesiasticorum, qui alias ad solvendum Subsidi-
um concurrunt, quidpiam ad hanc tertiam partem contribuere
adigantur, quia sola Dominia, sive Curie Dominiorum hanc de
proprio subministrare obligata esse volumus & statuimus. Præterea
quoniam pro munere Nostro incumbit Nobis habere notitiam, quan-
tum quisque annuatim solverat, & ad præsens solvit: proinde obli-
gamus Illustres Decanos, quatenus quilibet sui Decanatus & Bono-
rum Claustralium quorumcunque intra fines sui Decanatus existen-
tium tabellam, juxta quam dictum Subsidium Charitativum partitum,
& solvi solitum fuerat, tum quomodo ad præsentem casum dispar-
titum fuerit ad Nostram Post-Curiam Cancellariam prævio &
tempestivè remittat.


Datum Cracoviæ die 14^{ta} Mensis Julii Anno Domini 1796^{to}


FELIX EPISCOPUS

Dux Sæveria.



Pro Annexo intimamus Dilectionibus Vestris Suffragium Anima Illustris
Magnifici Thaddæi Lipski Castellani Lanciensis commendantes piis eorum
Orationibus ut ad Altare Dei meminerint, & populo frequenti commendari
fecerint.





.XI.11



822438 **Bibliotheca**
P.P. Camaldulensium in Bielany

Depozyt w Bibliotece Jagiellońskiej



04943

